



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Quid Patroclo Arelatensi concesserit Papa Zozimus. Ejus auctoritatem intendit Imp. Valentianus.

urn:nbn:de:hbz:466:1-15617

qui semel in anno civiles Galliarum conven-
tus agebant propter negotia publica juxta
formam in legibus præscriptam , conven-
tus quoque Episcoporum permisisse ; quos
ipsi literis suis haberi jubebant , quoties ro-
gabantur à Metropolitanis. Quod in Orien-
te & Occidente obtinebat antè quam Con-
cilium CP. habitum anno ccc lxxxii. Sy-
nodos Diœceson vertisset in jurisdictionem
ordinariam . quam institutionem ab Impe-
ratore Theodosio confirmari procuravit.
Quippe certum est omnia Concilia , excep-
tis ordinariis , iussu Imperatorum convoca-
ta fuisse , id est , Concilia Oecumenica , Con-
cilia uniuscujusque Diœceseos , & Concilia
extraordinaria ex variis Diœcesis compo-
sita , tametsi Oecumenica non essent. San-
ctus Constantinus Imperator Synodum Arela-
ensem coegerit anno ccc xiv. in causa Do-
natistarum , qui appellaverant à judicio
quod Melchiades Papa cum Episcopis col-
legis suis tulerat secundum Cæcilianum Epis-
copum Carthaginensem. Necessaria illic
erat auctoritas Principis ; quoniam synodus
illa constabat ex legatis Diœceson Galliarum ,
Britanniarum , Hispaniarum , Africæ
& Italæ ; ut patet ex subscriptionibus
Concilium celebratum anno ccc lxxxii.
in civitate Aquileiensi , qua à Diœcesi Ita-
lica pendebat , cuius caput erant urbs &
Episcopus Mediolanensis , decreto Impera-
toris Gratiani convenit , juxta preces sancti
Ambrosij , ad dammandos duos Episcopos
Arrianos. Ad illud convenerunt aliquot
Episcopi Italæ , Pannoniæ , qua Illyricæ
provincia erat , & legati Diœceson Gal-
liarum & Africæ. Itaque quoniam conven-
tus erat extraordinarius , necessaria fuit au-
toritas Imperatoris. Quamobrem recte
Ambrosius in Actis hujus Concilij ait : *Nos*
in Occidentis partibus constituti , convenimus
ad Aquilciensium civitatem , juxta Imperatoris
præceptum. Quin etiam synodica epistola ad
Principes missa idipsum testatur : *Gratias*
agimus vobis , clementissimi Principes , quod &
fidei vestre studium probavistis , qui ad remo-
vendas altercationes congregare studiis sacer-
dotele Concilium. Infra : Omnes propè ex om-
nibus provinciis occidentalibus missis adfuerer-
legatis.

V. Sed quod proprius spectat ad res nostras, conventus Episcoporum Galliae agi solitos auctoritate imperatoria probat epistola Maximi Imperatoris, qua Siricio Papa respondet. Conquestus erat ille apud Principem de Agretio quodam, qui indebitè consecutus erat gradum presbyterij. Rescripsit Princeps, se, ut difficultatem illam solvat, congregaturum synodum ex omni

bus Galliis, vel ex quinque provinciis tan-
tum, qua^e tum temporis speciale reipublica
corpus constituebat in Galliis: Ceteram de
Agrieto, quem indebit^e ad presbytery gradum
conscendisse commoraras, quid religioni noſtre
poſsum preſtare reverentius quam ut de hoc ipso,
cujo^emodi eſſe videatur, catholici judicent Sa-
cerdotes? Quorum conuenitum ex opportunitate
omnium vel qui in ira Gallias, vel qui intra
Quinque provincias commorantur, in qua ele-
gerint urbe conſtituam. Idem Imperator Ma-
ximus congregavit Concilium Burdigalense
anno CCCLXXXV. aduersus haeretim Prif.
cilliani; ad quod convenerunt Episcopi Gal-
iarum & Hispaniarum, ut Sulpitius Seve-
rus testatur.

V. Episcopus Arelatensis olim contentebat ad se pertinere potestatem congregandæ synodi generalis Galliarum. Sed ambitio ejus repressa est à Leone Summo Pontifice, qui conatum ejus improbavit tanquam ratione destitutum. Et quoniam jus illud sibi rursum vindicare studuerunt Episcopi Arelatenses in prima Regum nostrorum dynastia, cui etiam constituendo auctoritatem suam adhibuerunt Summi Pontifices, opera pretium est altius scrutari quo fundamento jus illud inniteretur; presertim cum materia hæc nondum satis explicata sit. Excisa à Vandalis urbe Treverorum, Honorus Imperator sedem præfecturæ Galliarum transtulit Arelatam, & Matrem omnium Galliarum vocavit, id est, Galliarum metropolim. Videtur quo titulo antea honestabatur civitas Treverensis. Alia deinde constitutione (qua edita est à Nicolao Cusano, Scaligero, & Sirmondo) decernit ut conventus ordinarius Septem provinciarum in ea urbe habeantur ad ordinandam politiam. Corpus illud Septem provinciarum constabat; ut fidem faciunt veteres Notitia, ex provincia Vienensis, Narbonensi prima & secunda, provincia Alpium, Novempopulania, & utraque Aquitania, additis videlicet ad Quinta provincias aliis duabus. Quoniam vero dignitas qua civitatibus competebat in ordine civili, facile communicabatur episcopatus earum urbium, incessit Episcopum Arelatensem ambitio sibi vindicandi titulum primi Metropolitanani Galliarum.

VII. Sanè Patroclus Arelatensis Episcopus eam dignitatem impetrare tentavit à Zozimo Pontifice Romano; qui exiguum ejus portionem ei concessit, edicto ne ulla persóna ecclesiastica, cuiuscunq[ue] gradus ea foret, Romam aliòve accederet absque epistola formata Metropolitani Arelatensis, qua testatum universis fieret quem gradum illa persóna obtinereret in Ecclesia. Eo pacto

Zozimus cum eo communicavit unam ex prærogativis quas Africani canones Metropolitanus deberi testantur supra Episcopos & clerum provinciæ. Sed privilegium illud coercitum fuit ad unicum hoc caput jurium metropoliticorum, nulla congregandorum Conciliorum Galliæ potestate concessa; ac præterea Patroclio tantum conceditur, ea ratione, ut ad successores non transmittatur; meritorum ejus speciali contemplatione, inquit Zozimus. Merito igitur reprehendendi sunt Episcopi provinciæ Arelatensis, dum in libello quem Leoni primo obtulerunt, aiunt eam auctoritatem fidei Arelatensi competere, quam verbis admodum magnificis explicant contra tenorem rescripti: *Vt omnes Gallias, sibi apostolice sedis vice mandata, sub omni ecclesiastica regula contineret. Imp. Valentinianus III. auctoritatem Patrocli Episcopi Arelatensis intendit, lege data, qua ejus iurisdictioni subdidit Episcopos Galliarum qui Pelagi erroribus adhaerent.*

VIII. Privilia isthac personalia Arelatensibus Episcopis concessa, quæ aliunde confirmata fuerant à Zozimo quoad ordinationes Episcoporum provinciæ Viennensis & utriusque Narbonensis, tametsi dein Bonifacius Papa ea extendi prohibuit ad primam Narbonensem, viam aperuerunt ambitioni eorum, adeo ut ad exarchatum Galliarum aspirare ausi sint. Hanc ob rem Hilarius Arelatensis Episcopus in secunda synodo Arelatensi decerni procuravit penes Episcopum illius urbis futuram potestatem congregandi synodum Galliarum, quoties ita illi visum foret expedire. Hic est enim sensus canonis XVIII. ut ejus verba satis indicant: *Ad Arelatensis Episcopi arbitrium synodus congreganda: ad quam urbem ex omnibus mundi partibus, precipue Gallicanis, sub sancti Marini tempore legimus celebratum fuisse Concilium atque conventum. Sed in eo capite calidè agit hic canon, cum constet primum illud Concilium Arelatense anno CCCXIV. convocatum fuisse ab Imperatore Constantino. Excipi posset, synodum illam Arelatensem fuisse tantum ex provincia Viennensi, ideoque canonem illum intelligi tantum debere de conventu synodi provincialis, que arbitrio Arelatensis Episcopi permittitur. Verum aperte constat eam Synodum constituisse ex pluribus provinciis, & ex diversis Metropolitanis, de quibus comprehendendis agitur in LII. & LV. canonibus. Vnde sequitur, canonem XVI. voluisse tribuere auctoritatem convocandi synodum plurium provinciarum.*

IX. At Leo primus ferre non potuit præ-

sumptionem Hilarij, vetuimus ne deinceps synodos ex variis provinciis cogeret. *Suis* (inquit Leo in epistola LXXXIX. ad Episcopos provinciæ Viennensis) *unaquaque provincia sit contenta Conciliis, nec ultra Hilarius andeat conventus indicere synodales.* Sed heic obiter adnotandum est, posse ex iis quæ dicta sunt constitui epocham Concilij Arelatensis secundi, quæ viro clarissimo Sirmondo ignota fuit, eique occasionem dedit scribendi exploratum hactenus de tempore hujus Concilij nihil esse. Conlocandum est immediate post Concilium Vasense, quod anno CDXLII. celebratum est, & ante annum CDXLV. quo scripta est epistola Leonis adversus Hilarium. Porro Hilario adempta insuper est à Leone dignitas metropolitanæ, ac Viennensi Episcopo adjudicata. Attamen idem Pontifex eandem provinciam, post Hilarij obitum, divisit in duas, relictâ Episcopo Viennensi curâ quinque civitatum, reliquis autem tributis Ravennio recens ad episcopatum Arelatensem electo. Ac præterea, restituenda huic urbi veteris dignitatis cupidus, Ravennio jus quoddam eximum trivit quod primo Metropolitanu[m] competit, denuntiandi nimirum reliquis Episcopis res in Concilio definitas. Eam namque illi curam commisit, missa ad eum celebri illa epistola qua controversias de mysterio dominice incarnationis decidit, edicto ut eam communicaret cum Episcopis Galliarum, qui dein Leoni gratias egerunt.

X. Primus omnium Hilarus Papa Arelatensibus Episcopis jus & auctoritatem trivit convocandi Concilium Galliarum. Anno namque quadringentesimo sexagesimo secundo jussit ut Leontius Arelatensis Episcopus synodum ex provinciis quæ congregari possent convocaret. *Per annos itaque singulos, inquit, ex provinciis quibus poterit congregari, habeatur episcopale Concilium; ita ut opportunis locis atque temporibus, secundum dispositionem fratris & coepiscopi nostri Leontij, cui sollicitudinem in congregandas fratribus delegavimus, Metropolitanis per literas ejus admonitis celebretur.*

XI. Ceterum hactenus placuerit examinare quanam auctoritate sub Imperatoribus Romanis convocata fuerint generalia Galliarum Concilia. Quippe irruptiones Francorum, Gotthorum, & Burgundionum, qui majorem Galliarum partem ab Imperio resecuerant, multum difficultatis attulere communicationi antisitum: quæ aliunde valde erat interrupta, ob hoc quod auctoritas pontificia ad congregandas synodos esset penes Episcopum Arelatensem Romano imperio subiectum. Recte igitur Papa Hila-